

seyn Zeichen da/das man solt zur Ader lassen/als wann etwa an einem Glied ein Drüß oder Pestilenzzeichen aufführe / so las baldt im Anfang/vnd warte nicht vber 24. stundt. Dann diese scharpffe morbi nit warten/sie kommen baldt zum stillstand (ad statum) vnd in 2. oder 3. Tagen geben sie den gar auß/oder nemen das Herz vnd solidas partes also ein/das nichts mehr hilfft/was man anfengt. Daher gehört die höchste Weißheit vnd Fürsichtigkeit eins Medici, vnd darff wol bedencens. Dann dieser morbus vnd Fieber kompt vff mancherley Weg/nach art der Zeit des Jahrs/des Wetters/nach gewonheit speiß vnd Trancks / nach Gelegenheit der humorum vnd qualitatum, vnd Alter oder complexion der Menschen. Dann wann jhr 100. neben einander ligen/ist ein schier nit wie dem andern. Dann dieses Δ / welches ein recht Fieber ist / vndt geht vom Munde Gottes auß/vber Juda/vnd die Inwohner Jerusalem/heiße (spricht G Dtt Jerem. 4.) Indignatio mea, das ist/mein Zorn/so der enzündet wirdt / so ist keiner/der ihn löschten mag / sezt ein seltsam Recept für diese Bngarische Kranckheit/welches heiße: Beschneidet euch dem H Erren / vnd thut weg die Vorhaut ewers Herken. Das were wol diesem Causoni ein rechter Gifftejager/so wir vnser Boshheit vnd Grewel hinlegen/vnd wit Bus diesen Brand löschten.

Vom Wechsel der Hitz in gebürliche Kühlung.
CAP. VIII.

Dieweil diese Fieber am meisten Causodes seyn / das ist/ brennend vnd glüend/wie ein Δ / auch diese venenische vrsach ^{Alteratio caloris.} der Luft oder des hergebrachten contagii, diese hitzige fomites mit sich bringt: So muß von stund an factis universalibus solches Δ vnd Hitz gelöschet/gedämpfft/vnd der Leib recht erkühlt werden. Es enzündet deinde diese fomites entweder das Geblüt/die Gallen (bilem) oder solche werdē in ihnen selbst/von wegen ihrer Meng/auffrührisch/wo etwann einer nach Hunger/oder Arbeit/oder Hitz in solchen morbum fiel / oder das einer durch viel hitziger Nahrung oder wegen hitziger Arzney / welche auch die kalten Säfft in dem Leib können brennend machen / als wann das Salt sich im Leib resolvirt/vnd mit dem phlegmate auffstößig wirdt. Dann du schreibst

S ij

diese